

Predmet : Zastupnička **INICIJATIVA**

24. Radna sjednica

Datum: 15.07.2025. godine

Uputiti:

-Predsjedavajući Skupštine Kantona Sarajevo

-Vlada KS/Ministarstvo komunalne privrede, infrastrukture, prostornog uređenja, građenja i zaštite okoliša

-KJKP RAD

-Općinama u KS

Na osnovu Poslovnika Skupštine KS, upućujem inicijativu za uspostavu reciklažnih dvorišta za kabasti otpad na području općina KS gdje ista ne postoje.

Obrazloženje :

S obzirom na sve učestalije probleme s nepropisnim odlaganjem kabastog otpada, naročito u proljetnim i ljetnim mjesecima, pokrećem inicijativu prema nadležnom ministarstvu s ciljem uspostavljanja reciklažnih dvorišta ili stalnih/privremenih punktova za prikupljanje kabastog otpada u saradnji s lokalnim zajednicama.

Ova inicijativa posebno se odnosi na općine na čijem području još uvijek ne postoje reciklažna dvorišta ili adekvatne lokacije za odlaganje kabastog otpada. Neophodno je da svaka općina obezbijedi minimalno jednu stalnu ili privremenu lokaciju koja bi bila funkcionalna barem tokom najkritičnijih perioda godine kada građani najčešće obavljaju veće radove i generalna čišćenja svojih domaćinstava. Na ovaj način bi se značajno smanjilo nepropisno odlaganje kabastog otpada uz postojeće kontejnere za komunalni otpad, stvaranje divljih deponija, negativan higijenski i vizuelni efekat po urbani ambijent kao i troškovi naknadnog čišćenja i sanacije prostora.

Uspostavom ovakvih punktova u saradnji s lokalnim zajednicama, građanima omogućavamo stalno dostupan, besplatan, legalan i organizovan način odlaganja kabastog otpada, čime direktno doprinosimo čišćem, uređenijem i zdravijem okruženju.

Molim Vas da razmotrite ovu inicijativu i pokrenete odgovarajuće korake u saradnji s jedinicama lokalne samouprave.

S poštovanjem

Zastupnik Elvis Vreto

Narod i Pravda